

Tria Tutmonda Konferenco pri Instruado de Esperanto

Dua informo 2014-03-01

Bonvolu diskonigi !

Invito iros de ŝtato al chiuj ŝtatoj de la mondo. Ĉar en Svislando niaj kantonoj estas ŝtatoj, mi iris al la kantona registaro de Neuchâtel kaj petis, ke la kantono invitu. Kaj la registaro konsentis per decido je la 20a de novembro 2013. En la kantono Neuchâtel troviĝas la ĉefurbo Neuchâtel kaj la urbo La Chaux-de-Fonds, kie troviĝas CDELI, grava arkivejo pri planlingvoj. En tiuj du urboj okazos la Kolokvo. (En la franca : Conférence, en Esperanto Kolokvo, ĉar ILEI okazigas chiun jaron Konferencon) La datoj estas **13a ĝis 16a de majo 2015**, (Ĵaude la 14an de majo estas kristana festo kaj feritago) do en la fama jubilea jaro UNESKO-Montevideo 60. La kantona registaro ofertos la luon de la universitata aŭlo kaj la aperitivan de la malferma ceremonio. La aŭlo en Neuchâtel kaj la chambroj en la urba biblioteko en La Chaux-de-Fonds estas formale rezervitaj.

La unua tia Konferenco okazis en Ĝenevo en 1922, la dua en Prago en 1927. Estos la tria.

La registaro de la kantono do konsentas inviti chiujn registarojn de la mondo sendi iun delegacion al tiu kolokvo. Tio signifas, ke en chiu ŝtato de la mondo venos al la registaro la invitletero (en marto-aprilo 2014). Do la registaro devos esplori, informighi, chu Esperanto estas instruata sur ghia teritorio. Tio estas la pozitiva afero en tiu kolokvo, fakte eble pli ol la konferenco mem.

ILEI estas la organizanto. Ĉe ILEI okazis estrara voĉdonado, la okazigo de tiu evento estis aprobita. Kompreneble ekos kunlaboro kun Svisa Esperanto-Societo SES, kies kun-prezidanto mi estas. UEA dece devus kontribui.

Lingva aspekto : Ni laboros kiel ILEI faris en Kopenhago en 2011 : se la prelego estos en la franca, la projekciigita teksto sur ekrano aperos en eo kaj inverse. Ni akceptu tamen kontribuojn en jenaj lingvoj : germana (de), itala (it) kaj angla (en), kaj antaŭvidos interpretadon. La germana kaj itala lingvoj estas oficialaj lingvoj en Svislando.

Celoj

- Kolekti prezenton de la nuntempaj metodoj uzataj por lerni.
- Kolekti prezenton de la nuntempaj metodoj uzataj por instrui.
- Kolekti rezultojn kaj observojn pri konsekvencoj de la lernado de Esperanto (lernhelpa efiko)
- Kolekti rezultojn kaj observojn pri konsekvencoj de la lernado de Esperanto (en la kampoj de psikologio, akiro de interkulturaj kapabloj, solidareco, toleremo)
- Interŝanĝo de spertoj
- Renkontiĝo kun lokaj fakuloj

Programskizo

Ankoraŭ kun multaj demandosignoj... Kelkaj unuaj kontaktoj okazis... Nenio konfirmita...

Peter Balaz : lerni per la Reto
François Grin : loko de Eo, ebloj de Eo
François Grosjean : denaskuloj, akiro de lingvo
Mireille Grosjean : lernhelpa efiko de Eo
Mireille Grosjean : kiel ne eŭropanoj lernas Eon
Andres Kristol : bazaj konsideroj pri lingvoj kaj dialektoj
Zsofia Korody : Eo Centroj, partneradoj, ...
Ilona Koutny : eo en universitatoj
Katalin Kovats pri edukado.net
Marinette Matthey : eble, pri iu temo ŝia
Monika Molnar : pri spertoj en La Granda Ursino
Angela Tellier : pri springboard to languages
Diversaj raportoj pri diversaj landoj, metodoj.
Diversaj debatoj pri diversaj problemoj

Grin, Grosjean, Kristol, Matthey, estas lokaj altnivelaj fakuloj, kiujn mi konas.
Mi taksas oportuna ilian inviton, ĉar ili loĝas surloke kaj altiros esperantistojn. Povos okazi interesaj ideointershanghoj. Plie ilia partopreno altigos la prestiĝon de la Kolokvo.

Buĝetoskizo

Ni devas antaŭvidi jenajn kostojn :
Luo de interpreta materialo
Repago de kongreskotizo kaj vojaĝkostoj de la prelegantoj
Repago de kongreskotizo kaj vojaĝkostoj de la interpretistoj
Printado kaj preparado de informmaterialo, afiŝoj, banderoloj
Printado de Konferenca Libro
Rekompenso de lokaj aktivuloj laborantaj en KOKo
Manĝoj por KOKo, prelegantoj, interpretistoj
Busveturado al La Chaux-de-Fonds sabate

Ni devos esplori pri subvencioj, sponsoroj kaj Honora Komitato.

Oficialaj dokumentoj estas je dispono, ili estas en la franca.

Mireille Grosjean
Prez de ILEI
Les Brenets, 2014-03-01